



Sarajevo, 25.02.2021. godine  
MEDIJIMA

## SAOPĆENJE ZA MEDIJE

### Održan 5. sastanak Posebne grupe za reformu javne uprave između EU i BiH

Peti sastanak Posebne grupe za reformu javne uprave između EU i BiH održan je danas putem video-konferencije.

Sastanak je sa strane BiH otvorio predsjedavajući Vijeća ministara BiH Zoran Tegeltija, a političkim dijalogom, koji je održan u prvom dijelu sastanka, kopredsjedavao je ministar pravde BiH Josip Grubeša. Sa strane EU delegacijama se obratila Genoveva Ruiz Calavera, direktorica za Zapadni Balkan u Generalnoj direkciji za susjedstvo i politiku proširenja (DG NEAR), a političkim dijalogom kopredsjedavala je Michela Matuella, zamjenica direktora za Zapadni Balkan u DG NEAR-u.

Na ministarskom nivou s Evropskom komisijom je, između ostalog, razgovarano o strateškom okviru za upravljanje javnim finansijama, finansiranju i strukturama za koordinaciju reforme javne uprave te izgradnji profesionalne i depolitizovane državne službe.

Komisija je pozdravila usvajanje Akcionog plana za reformu javne uprave (RJU) i usvajanje strategija za upravljanje javnim finansijama za razdoblje 2021. – 2025. na državnom nivou i u Brčko distriktu BiH. Institucije u BiH su ohrabrene da što prije završe proces usvajanja strategija na ostalim nadležnim nivoima vlasti, te cjelodržavne strategije za upravljanje javnim finansijama čime bi se BiH otvorila mogućnost za budžetsku podršku EU. Komisija je naglasila važnost osiguranja finansijske održivosti provedbe Akcionog plana za RJU, te odgovarajućeg političkog i tehničkog upravljanja reformom. Komisija je podsjetila da je dio prioriteta iz Mišljenja postojanje depolitizovane i profesionalne državna službe, a istakla je da kao ključna pitanja i dalje ostaju fragmentacija pravnog okvira, politizacija, procedure zapošljavanja, napredovanja i otpuštanja te transparentnost.

Tehničkim dijalogom, koji je održan u drugom dijelu sastanka, sa strane BiH kopredsjedavao je Dragan Ćuzulan, koordinator za reformu javne uprave, a sa strane EU Alberto Cammarata, zamjenik šefa Jedinice za Albaniju i BiH u DG NEAR-u. Predstavnici institucija u BiH i Evropske komisije razgovarali su i o provedbi Akcionog plana za reformu javne uprave, državnoj službi i upravljanju ljudskim potencijalima, te usklađivanju propisa o državnoj službi u cijeloj zemlji sa principom zasluga.

Snimak početka sastanka i audio-video zapis izjave Dragan Ćuzulana, predsjedavajućeg delegacije BiH na dijalogu na tehničkom nivou o reformi javne uprave možete preuzeti na linku: <https://wetransfer.com/downloads/20cb02cf9148af5b40f95fcf8a02494f20210225153613/f8b1376e8b0789ea03e20eccccf7fa3520210225153629/46711c>.

Direkcija za evropske integracije